

ხობის მუნიციპალიტეტის მესამე მოწვევის საკრებულოს ბიუროს სხდომისა

ქ. ხობი

2016 წლის 30 მაისი

ბიუროს წევრთა კანონით დადგენილი რაოდენობა - 13

ბიუროს უფლებამოსილ წევრთა რაოდენობა - 13

ბიუროს სხდომას ესწრებოდნენ ბიუროს წევრები:

1. ედიშერ ჯობავა
2. მამუკა ქარდავა
3. გოჩა სიჭინავა
4. ტარიელ ალექსანდრია
5. დოდო გაბუნია
6. ლაშა ცატავა
7. თემურ გულუა
8. თენგიზ აბაკელია
9. ვასილ კუკავა
10. მალხაზ ლაგვილავა
11. როსტევეან გვარამია
12. ლევან ქავთარაძე

ბიუროს სხდომას თავმჯდომარეობდა ედიშერ ჯობავა – საკრებულოს თავმჯდომარე

*დღის წესრიგი:*

1. ხობის მუნიციპალიტეტის გამგებლის გ. ქაჯაიას 2016 წლის 20 მაისის N04/1223 წერილის განხილვა („ხობის მუნიციპალიტეტის 2016 წლის ადგილობრივი ბიუჯეტის დამტკიცების შესახებ“ ხობის მუნიციპალიტეტის საკრებულოს 2015 წლის 25 დეკემბრის N30 დადგენილებაში ცვლილების შეტანის თაობაზე“ დადგენილების პროექტის შესახებ)

(მომხსენებელი: ტ. ალექსანდრია - საფინანსო - სარევიზიო კომისიის თავმჯდომარე);

2. ხობის მუნიციპალიტეტის გამგებლის გ. ქაჯაიას 2016 წლის 21 მაისის N04/1248 წერილის განხილვა („ხობის მუნიციპალიტეტის საკუთრებაში არსებული ავტოსატრანსპორტო საშუალების სახელმწიფოსთვის საკუთრებაში უსასყიდლოდ გადაცემის შესახებ“, „ხობის მუნიციპალიტეტის გამგებლისთვის მუნიციპალიტეტის საკუთრებაში არსებული ამორტიზებული ძირების ჭამოწირაზე თანხმობის მიანიჭის შესახებ“ დადგენილების პროექტის შესახებ)

მუნიციპალიტეტის საკუთრებაში არსებული საპრივატიზაციო ნუსხის დამტკიცების შესახებ“ განკარგულების პროექტების თაობაზე)

(მომხსენებელი: გ. სიჭინავა - ეკონომიკური განვითარების საკითხთა  
კომისიის თავმჯდომარე);

3. ხობის მუნიციპალიტეტის გამგებლის გ. ქაჯაიას 2016 წლის 21 მაისის N04/1249 წერილის განხილვა (ხობის მუნიციპალიტეტის 2016 წლის ადგილობრივი ბიუჯეტის იანვარ - აპრილის თვის შესრულების ანგარიში).

(მომხსენებელი: ტ. ალექსანდრია - საფინანსო - სარევიზიო  
კომისიის თავმჯდომარე);

4. ხობის მუნიციპალიტეტის გამგებლის გ. ქაჯაიას 2016 წლის 23 მაისის N05/1254 წერილის განხილვა („ხობის მუნიციპალიტეტის კლიმატის ცვლილებასთან ადაპტაციის კონცეფციის დამტკიცების შესახებ“ განკარგულების პროექტის თაობაზე)

(მომხსენებელი: გ. სიჭინავა - ეკონომიკური განვითარების საკითხთა  
კომისიის თავმჯდომარე);

კენჭი ეყარა დღის წესრიგის წარმოდგენილ ვარიანტს

კენჭისყრის შედეგები:

მომხრე - 12, წინააღმდეგი – არც ერთი

დაადგინეს: დღის წესრიგი დამტკიცდეს წარმოდგენილი სახით

## **დღის წესრიგით გათვალისწინებულ საკითხთა განხილვა**

1. ხობის მუნიციპალიტეტის გამგებლის გ. ქაჯაიას 2016 წლის 20 მაისის N04/1223 წერილის განხილვა („ხობის მუნიციპალიტეტის 2016 წლის ადგილობრივი ბიუჯეტის დამტკიცების შესახებ“ ხობის მუნიციპალიტეტის საკრებულოს 2015 წლის 25 დეკემბრის N30 დადგენილებაში ცვლილების შეტანის თაობაზე“ დადგენილების პროექტის შესახებ)

(მომხსენებელი: ტ. ალექსანდრია - საფინანსო - სარევიზიო  
კომისიის თავმჯდომარე);

მოისმინეს: ტ. ალექსანდრია - მომხსენებელმა ბიუროს წევრებს გააცნო დადგენილების პროექტი („ხობის მუნიციპალიტეტის 2016 წლის ადგილობრივი ბიუჯეტის დამტკიცების შესახებ“ ხობის მუნიციპალიტეტის საკრებულოს 2015 წლის 25 დეკემბრის N30 დადგენილებაში ცვლილების შეტანის თაობაზე“ და კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ დადგენილების პროექტით მუნიციპალიტეტის ბიუჯეტში ხორციელდება შემდეგი სახის ცვლილება: 848,3



ათასი ლარით იზრდება შემოსავლები მუხლიდან „გრანტები“ და შემოსავლების ზრდის თანხების მთლიანი მოცულობა, 848.3 ათასი ლარი, მიიმართა პრიორიტეტის „ინფრასტრუქტურის მშენებლობის, რეაბილიტაციისა და ექსპლოატაცია“ პროგრამის „სოფლის მხარდაჭერის პროგრამა“ ასიგნებაზე; ხობის მუნიციპალიტეტის ადგილობრივი ბიუჯეტით გამოყოფილი ასიგნების გადანაწილების წესის დამტკიცების შესახებ“ ხობის მუნიციპალიტეტის საკრებულოს 2015 წლის 30 აპრილის N15 დადგენილების შესაბამისად ხობის მუნიციპალიტეტის 2016 წლის დამტკიცებულ ბიუჯეტში ხობის მუნიციპალიტეტის გამგებლის ბრძანებებით მხარჯავი დაწესებულებებისათვის ადგილობრივ ბიუჯეტით გამოყოფილ ასიგნებებში ეკონომიკური კლასიფიკაციის მუხლებს შორის განხორციელებულია სხვადასხვა გადანაწილებები. ბიუჯეტის მთლიანი მოცულობა, ანუ შემოსულობების გეგმა გაიზარდა 848,3 ათასი ლარით და შეადგინა 11079,1 ათას ლარი. გამომსვლელის განცხადებით, პროექტი მომზადებულია კანონის მოთხოვნათა გათვალისწინებით და კომისიას მიზანშეწონილად მიაჩნია პროექტის წარმოდგენილი სახით გატანა საკრებულოს სხდომაზე შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ საკითხთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი პროექტის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 12, წინააღმდეგი – არც ერთი

დაადგინეს: წარმოდგენილი პროექტი შეტანილ იქნეს საკრებულოს სხდომის დღის წესრიგში

2. ხობის მუნიციპალიტეტის გამგებლის გ. ქაჯაიას 2016 წლის 21 მაისის N04/1248 წერილის განხილვა („ხობის მუნიციპალიტეტის საკუთრებაში არსებული ავტოსატრანსპორტო საშუალების სახელმწიფოსთვის საკუთრებაში უსასყიდლოდ გადაცემის შესახებ“, „ხობის მუნიციპალიტეტის გამგებლისთვის მუნიციპალიტეტის საკუთრებაში არსებული ამორტიზებული ქონების ჩამოწერაზე თანხმობის მიცემის შესახებ“ და „ხობის მუნიციპალიტეტის საკუთრებაში არსებული საპრივატიზაციო ნუსხის დამტკიცების შესახებ“ განკარგულების პროექტების თაობაზე)

(მომხსენებელი: გ. სიჭინავა - ეკონომიკური განვითარების საკითხთა კომისიის თავმჯდომარე);

მოისმინეს: გ. სიჭინავა - მომხსენებელმა ბიუროს წევრებს გააცნო განკარგულების პროექტები „ხობის მუნიციპალიტეტის საკუთრებაში არსებული ავტოსატრანსპორტო საშუალების სახელმწიფოსთვის საკუთრებაში უსასყიდლოდ გადაცემის შესახებ“, „ხობის მუნიციპალიტეტის გამგებლისთვის მუნიციპალიტეტის საკუთრებაში არსებული ამორტიზებული ქონების ჩამოწრაზე თანხმობის მიცემის შესახებ“ და „ხობის მუნიციპალიტეტის საკუთრებაში არსებული საპრივატიზაციო ნუსხის დამტკიცების შესახებ“ და კომისიის დასკვნები წარმოდგენილ პროექტებთან დაკავშირებით (ოქმს თან ერთვის) შემდეგი თანმიმდევრობით: 1. გამგეობის მიერ წარმოდგენილი განკარგულების პროექტის თანახმად მუნიციპალიტეტის ბალანსზე რიცხული მსუბუქი ავტომანქანა „ტოიოტა ქემრი“ გამოშვებული 2012 წელს, შავი ფერის, ტიპი-მსუბუქი გამავლობის საქართველოს სახელმწიფო უსაფრთხოების დეპარტამენტის 2016 წლის 29 თებერვლის N512909 და სახელმწიფო ქონების ეროვნული სააგენტოს 2016 წლის 2 მარტის N5/10184 წერილების საფუძველზე სახელმწიფოს საკუთრებაში გადაეცემა უსასყიდლოდ. 2. გამგეობის მიერ მომზადებული განკარგულების პროექტის თანახმად ჩამოსაწერად წარმოდგენილია ქ. ხობში N1 საბავშვო ბაღში მიმდინარე კაპიტალური რემონტის შედეგად დარჩენილი მეორადი სამშენებლო მასალები: ხის მასალა და შავი ლითონის ჯართი, ახალი ხიბულის ადმინისტრაციულ ერთეულში, ზუბის სასოფლო კლუბის შენობასთან არსებული ავზი და პირველი მაისის საბავშვო ბაღის ტერიტორიაზე განთავსებული ლითონის ავზი, რომლებიც ექსპლოატაციისთვის უვარგისია. გამგეობის განმარტებით ზემო აღნიშნულ ჩამოსაწერ ქონებაზე გააჩნიათ აუდიტორული დასკვნები. 3. გამგეობის მიერ მომზადებული განკარგულების პროექტის თანახმად საპრივატიზებოდ წარმოდგენილია ხობის მუნიციპალიტეტის საკუთრებაში არსებული, ხობის N1 საბავშვო ბაღის შენობის მიმდინარე კაპიტალური რემონტის პერიოდში, დემონტაჟის შედეგად მიღებული მეორადი სამშენებლო მასალები, რომლებიც აუდიტის დასკვნის საფუძველზე გამოუსადეგარია შემდგომი ექსპლოატაციისათვის და მათი გამოყენება შესაძლებელია მხოლოდ შეშად და ჯართად. პროექტით საპრივატიზებოდ ასევე წარმოდგენილია ზუბის სასოფლო კლუბის ტერიტორიაზე და პირველი მაისის საბავშვო ბაღში არსებული წყლის ავზები და ავტომანქანა „ტოიოტა კოროლა“ (სარეგისტრაციო ნომერია VTV884, გამოშვების წელი 2008, რუხი ფერის, სედანის ტიპის, ძრავის მოცულობა 1600), რომელიც ავარიის შედეგად დაზიანებულია და ასევე გამოუსადეგარია გამოყენებისთვის. გამომსვლელის განცხადებით, პროექტები მომზადებულია კანონის მოთხოვნათა გათვალისწინებით და კომისიას მიზანშეწონილად მიაჩნია საკრებულოს სხდომაზე მისი გატანა შესაბამისი გადაწყვეტილების მისაღებად.



სხდომის თავმჯდომარემ მიმართა ბიუროს წევრებს, წარმოდგენილ პროექტებთან დაკავშირებით გამოეთქვათ მოსაზრებები.

აზრი გამოთქვას: მ. ქარდავა - გამომსვლელმა განაცხადა, რომ მან წინა სხდომაზე აღნიშნა და ახლაც განმეორდება, რომ მუნიციპალიტეტის ბალანსზე რიცხული მსუბუქი ავტომანქანა „ტოიოტა ქემრის“ გადაცემა საქართველოს სახელმწიფო უსაფრთხოების დეპარტამენტისთვის მართალია კანონდარღვევა არაა, მაგრამ უმჯობესი იქნებოდა ხობის მუნიციპალიტეტის გამგებლისთვის გადაეცათ ეს ავტომობილი, რადგანაც გამგებლის მომსახურე ავტომანქანა ამორტიზებულია.

თ. გულუა - გამომსვლელმა აღნიშნა, რომ ადრე ქ. ხობის N1 საბავშვო ბაღში ჩატარდა რემონტი, რომლის დემონტაჟის შედეგად მიღებული სხვადასხვა მეორადი ხის მასალა და შავი ლითონის ჯართი, რომლებიც იქვე იყო დასაწყობებული, გამომსვლელი დაინტერესდა ის მასალებიც შედიოდა თუ არა წარმოდგენილ საპრივატიზებო ნუსხაში?

ე. ჯობავა - სთხოვა საკრებულოს ეკონომიკური განვითარების საკითხთა კომისიის თავმჯდომარეს (გ. სიჭინავა), რომ დაინტერესებულიყო აღნიშნული საკითხით და დეტალურად გაერკვია თუ რა მგომარეობა იყო აღნიშნულთან დაკავშირებით

კენჭი ეყარა წინადადებას წარმოდგენილი პროექტების საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 12, წინააღმდეგი - არც ერთი

დაადგინეს: წარმოდგენილი პროექტები შეტანილ იქნეს საკრებულოს სხდომის დღის წესრიგში

3. ხობის მუნიციპალიტეტის გამგებლის გ. ქაჯაიას 2016 წლის 21 მაისის N04/1249 წერილის განხილვა (ხობის მუნიციპალიტეტის 2016 წლის ადგილობრივი ბიუჯეტის იანვარ - აპრილის თვის შესრულების ანგარიში).

(მომხსენებელი: ტ. ალექსანდრია - საფინანსო - სარევიზიო კომისიის თავმჯდომარე);

მოისმინეს: ტ. ალექსანდრია - მომხსენებელმა ბიუროს წევრებს გააცნო ანგარიში ხობის მუნიციპალიტეტის 2016 წლის ადგილობრივი ბიუჯეტის იანვარ - აპრილის თვის შესრულების შესახებ და კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ ანგარიშში აღნიშნულია, რომ 2016 წლის იანვარ-აპრილის პერიოდში განხორციელებული ცვლილებების გათვალისწინებით ბიუჯეტის დაზუსტებულმა გეგმამ საშემოსავლო ნაწილში შეადგინა 10657,2 ათასი ლარი, ხოლო

საგასავლო ნაწილში 7627,3 ათასი ლარი; 2016 წლის ბიუჯეტის 4 თვის შედეგებით შემოსულობების გეგმა შესრულებულია 28%-ით, აქედან საგადასახადო შემოსავლები გეგმიური 4095,6 ათასი ლარიდან შემოსულია 1657,7 ათასი ლარი (40,5%), გრანტები სახელმწიფო ბიუჯეტიდან გეგმიური 6137,0 ათასი ლარიდან მიღებულია 1283,6 ათასი ლარი (20,9%); სხვა შემოსავლები წლიური გეგმით გათვალისწინებული 424,6 ათასი ლარიდან შემოსულია 147,8 ათასი ლარი (34,8%); შემოსულობები არაფინანსური აქტივების კლებიდან გათვალისწინებული 421,9 ათასი ლარიდან შემოსულია 21,8 ათასი ლარი (5,16%); ბიუჯეტის საგასავლო ნაწილი იანვარ-აპრილის თვის შესრულების მიხედვით ათვისებულია 27,6% (გეგმა 7627,3 ათასი ლარი, ფაქტიური შესრულება 2104,3 ათასი ლარი). გამომსვლელის განცხადებით, კომისიის მიერ განხილულ იქნა ბიუჯეტის ოთხი თვის შესრულების ანგარიში და შესრულების შედეგებს აფასებს დამაკმაყოფილებლად.

სხდომის თავმჯდომარემ ისაუბრა სამეგრელოში და კერძოდ ანაკლიაში ტურისტების შემოდინების თაობაზე და აღნიშნა, რომ ქალაქის ცენტრი უნდა გალამაზდეს, უნდა მოეწყოს ინფრასტრუქტურა, შემოსავლელებში უნდა დაიდგას ბანერი, სადაც განთავსდება მუნიციპალიტეტში არსებულ ისტორიულ ძეგლებზე და მუზეუმებზე ინფორმაცია.

**აზრი გამოთქვას:** მ. ქარდავა - გამომსვლელმა აღნიშნა, რომ მართალია მუნიციპალიტეტში ხორციელდება წყალმომარაგების სისტემის სრული რეაბილიტაცია, მაგრამ გზები გადათხრილია და საშინელი მდგომარეობაა. მისი განცხადებით, უნდა მიემართოს გამგეობის ზედამხედველობის სამსახურს, რომლებმაც უნდა გააკონტროლონ არსებული მდგომარეობა და მიმართონ შესაბამის კომპანიას რათა დროულად მოაწესრიგონ აღნიშნული გზები.

**დაადგინეს:** წარმოდგენილი ინფორმაცია ცნობად იქნეს მიღებული

4. ხობის მუნიციპალიტეტის გამგებლის გ. ქაჯაიას 2016 წლის 23 მაისის N05/1254 წერილის განხილვა („ხობის მუნიციპალიტეტის კლიმატის ცვლილებასთან ადაპტაციის კონცეფციის დამტკიცების შესახებ“ განკარგულების პროექტის თაობაზე)

(მომხსენებელი: გ. სიჭინავა - ეკონომიკური განვითარების საკითხთა კომისიის თავმჯდომარე);

**მოისმინეს:** გ. სიჭინავა - მომხსენებელმა ბიუროს წევრებს გააცნო განკარგულების პროექტი „ხობის მუნიციპალიტეტის კლიმატის ცვლილებასთან ადაპტაციის კონცეფციის დამტკიცების შესახებ“ და კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ საქართველოს ადგილობრივი თვითმმართველობის ეროვნული ასოციაციის (ათეა) მიერ ხორციელდება პროგრამა „საქართველოს რეგიონებში



კლიმატის ცვლილებებისადმი ადაპტაციისა და ზეგავლენის შერბილების ზომების ინსტიტუციონალიზაცია“ (ICCAMGR), რომელიც დაფინანსებულია აშშ-ს საერთაშორისო განვითარების სააგენტოს (USAID) მიერ. ასოციაციის მიერ შემუშავდა გზამკვლევი, რომელიც წარმოადგენს კლიმატის ცვლილების ზემოქმედების შეფასებას მუნიციპალიტეტების მიხედვით საქართველოს სხვადასხვა პრიორიტეტულ, ეკონომიკურ, სოციალურ თუ გარემოსდაცვით სფეროებზე, კერძოდ ტურიზმის, სოფლის მეურნეობის, მრეწველობის, ენერჯეტიკის, ინფრასტრუქტურის სფეროებზე, სოციალური სექტორზე და ასევე კულტურულ მემკვიდრეობებზე, დაცულ ტერიტორიებსა და ტყის ეკოსისტემაზე. ზემო აღნიშნული გზამკვლევის საფუძველზე მუნიციპალიტეტის გამგეობის მიერ მომზადდა განკარგულების პროექტი „ხობის მუნიციპალიტეტის კლიმატის ცვლილებასთან ადაპტაციის კონცეფციის დამტკიცების შესახებ“. გამომსვლელის განცხადებით, პროექტი მომზადებულია კანონის მოთხოვნათა გათვალისწინებით და კომისიას მიზანშეწონილად მიაჩნია საკრებულოს სხდომაზე მისი გატანა შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს გამოეთქვათ მოსაზრებები წარმოდგენილ საკითხთან დაკავშირებით, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი პროექტის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 12, წინააღმდეგი – არც ერთი

დაადგინეს: წარმოდგენილი პროექტი შეტანილ იქნეს საკრებულოს სხდომის დღის წესრიგში

დღის წესრიგით გათვალისწინებული საკითხების განხილვის შემდეგ სხდომა დახურულად გამოცხადდა.

სხდომის თავმჯდომარე



ედითერ ჯობავა